



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: **UP-1/21-1-40-396-5/22**

Datum: **25.08.2022. god.**

«Agencija za vodno područje rijeke Save» Sarajevo rješavajući po zahtjevu Udruženja građana Ronilački klub „Vidara” Gradačac za izdavanje prethodne vodne saglasnosti za specifične uticaje na vode objekta koji će služiti u svrhu spašavanja ljudi, kao i obuku ronilaca i spasilaca. Lokacija planiranog objekta nalazi se na zemljištu koje pripada vodnom dobru jezera Vidara, na osnovu člana 109. stav 2. tačka i 3., a u vezi sa članom 12. stav 1. tačka 7., Zakona o vodama («Službene novine Federacije BiH», broj 70/06), i člana 200. stav 1. Zakona o upravnom postupku («Službene novine Federacije BiH», broj 2/98, 48/99), donosi

RJEŠENJE **o prethodnoj vodnoj saglasnosti**

1. Udruženju građana Ronilački klub „Vidara” Gradačac, daje se prethodna vodna saglasnost za aktivnost koja može prouzrokovati specifične uticaje na vode koje mogu nastati izgradnjom objekta koji će služiti u svrhu spašavanja ljudi, kao i obuku ronilaca i spasilaca i koji se planira graditi na zemljištu označenom kao k.č: 235/1 K.O. Gradačac II, grad Gradačac, a u postupku pribavljanja urbanističke saglasnosti.
2. Objekat definisan pod tačkom 1. ovog Rješenja će koristiti Udruženje građana Ronilački klub „Vidara” Gradačac u svrhu spašavanja ljudi, kao i obuku ronilaca i spasilaca, a sve u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu («Službene novine Tuzlanskog kantona», broj 10/08) i Pravilnikom o organiziranju Službi zaštite i spašavanja član 19. («Službene novine Federacije BiH», broj 77/06).
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uslovima:
 - 4.1. Izraditi i revidovati investiciono-tehničku dokumentaciju na nivou potrebnom za pribavljanje dozvole za građenje u kojoj će se dati tehnička rješenja koja se odnose na problematiku voda.
 - 4.2. Investiciono-tehnička dokumentacija za predmetne radove iz tačke 4.1. ovog Rješenja, treba biti urađena od strane ovlaštenog pravnog lica, sa „liste A” Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), a naročito:
 - definisati položaj objekata u odnosu na jezero Vidara, te vanjsko uređenje - pristup objektima i jezeru Vidara sa obale,
 - eventualni način snabdijevanja objekta sanitarnom vodom i odvod fekalnih voda, te sagledati sve moguće neželjene uticaje na režim voda, stabilnost obale, postojeće objekte i postrojenja, stečena prava korisnika na vodotoku, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - Sadržaj i namjena objekta za smještaj opreme i spasilačkih ekipa treba da budu isključivo za potrebe službe za spašavanja.
 - 4.3. Pri izradi tehničke dokumentacije pridržavati se uslova iz Urbanističke saglasnosti, zakonske regulative vezane za ovakvu vrstu radova, ekološko-ekonomskih zahtjeva te pravila struke i nauke.

- 4.4. Lokacija predmetnog objekta treba da bude usklađena ostalom infrastrukturom (elektro, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost vlasnika infrastrukturnih objekata ili organizacijom koja njima upravlja.
5. Po izradi investiciono-tehničke dokumentacije, u skladu sa uslovima iz tačke 4. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
6. Investiciono tehnička dokumentacija mora biti urađena na nivou projekta za pribavljanje odobrenja za građenje, te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
7. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), i to:
- 7.1. Revidovana Investiciono-tehnička dokumentacija u skladu sa uslovima navedenim u tački 4. ovog Rješenja,
- 7.2. Rješenje o urbanističkoj saglasnosti,
- 7.3. Dokaz o izvršenoj uplati upravne pristojbe u iznosu od 60 KM.
8. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
9. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
10. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Udruženje građana Ronilački klub „Vidara“ Gradačac, obratio se ovoj Agenciji dana 04.08.2022. godine, sa zahtjevom za izdavanje prethodne vodne saglasnosti za aktivnost koja može prouzrokovati specifične uticaje na vode koje mogu nastati izgradnjom a objekta koji će služiti u svrhu spašavanja ljudi, kao i obuku ronilaca i spasilaca. Lokacija planiranog objekta nalazi se na zemljištu označenom kao k.č: 235/1 K.O. Gradačac II, grad Gradačac.

U provedenom postupku dostavljena je i pregledana slijedeća dokumentacija

- Kopija rješenja o upisu promjena broj: UP1-06/1-05-001839/20 od 10.02.2020. godine izdato od strane Ministarstva pravosuđa i uprave Tuzlanskog kantona;
- Kopija Katastarskog plana, razmjera 1:1500 izdatog od strane Službe za geodetske i imovinsko-pravne poslove Grada Gradačca, broj: 08-26-466/2022-2 od 28.07.2022. godina;
- Kopija zemljišnoknjižnog izvatka broj: 028-0-NAR-22-003 299 od 06.07.2022. izdata od Općinskog suda u Gradačcu;
- Studija za izdavanje prethodne vodne saglasnosti urađena od strane „PGP HIDROINŽINJERING“ d.o.o Tuzla, juli 2022. godine;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav 1. Zakona o vodama («Službene novine Federacije BiH», broj: 70/06) o zahtjevu je dana 05.08.2022. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 07.08.2022. godine u dnevnom glasilu „OSLOBOĐENJE“.

U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je slijedeće:

- Lokacija planiranog objekta nalazi se na zemljištu označenom kao k.č: 235/1 K.O. Gradačac II, grad Gradačac i isto pripada vodnom dobru jezera Vidara.
- Objekat će služiti u svrhu spašavanja ljudi i materijalnih dobara od prirodnih i drugih nesreća, kao i obuka ronilaca i spasilaca.
- Vodosnabdijevanje vršit će se putem priključka na gradsku vodovodnu mrežu kojom upravlja J.P „Komunalac“ d.o.o. Gradačac.
- Dimenzije objekta su 9,30 x 6,40 m, uključujući nadstrešnicu dimenzija 6x3 m.

Izgradnja pomenutih aktivnosti obrađena je i definisana u studiji urađenoj od strane „PGP HIDROINŽINJERING“ d.o.o Tuzla, juli 2022. godine.

Projektna dokumentacija urađena je od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «B») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12).

Nakon uvida u dostavljenu dokumentaciju konstatovano je da sa aspekta sektora voda ne postoje smetnje da se Pravnom licu izda tražena prethodna vodna saglasnost uz propisane uslove, pa je riješeno kao u dispozitivu rješenja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 4. dispozitiva Rješenja, shodno odredbama člana 111. i člana 109. stav 2. tačka 3., a u vezi sa članom 12. stav 1. tačka 7. Zakona o vodama i člana 5. i člana 16. stav 1. tačka 15. Pravilnika o sadržaju, obliku, uslovima i načinu izdavanja i čuvanja vodnih akata propisani su uslovi koje je Investitor dužan ispuniti prilikom izrade projektne dokumentacije, a koja će biti potrebna u postupku pribavljanja vodne saglasnosti i odobrenja za građenje.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-1-40-396-4/22 od 23.08.2022. godine.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka:

Meho Čaušević, B.Sc.ing.grad



Po ovlaštenju

Rukovodilac sektora za izdavanje vodnih akata

Haris Ališehović, dipl.ing.grad.

Dostaviti:

- Udruženja građana Ronilački klub „Vidara“ Gradačac, ul. H.K Gradašćevića bb, Gradačac
- AVP Sava, ISV - Vodna knjiga
- Sektor 40, arhiva
- AVP Sava - Oglasna ploča